

Vedlegg 2: Evaluering av tiltak gjennomført i førre planperiode

1. Soneinndeling (omsynssoner i kommuneplanens arealdel)

Ulike område vil ha ulik verdi for ulik bruk. Areal kan t.d. ha høg eller låg verdi som beteareal ut frå betekvalitet eller plassering i høve til stølar eller anna. Tilsvarande vil ulike område ha ulik interesse for turisme/fritidsføremål. Ved å vekte slike brukseigenskapar gjennom indeksar for ulike kriterium og kvalitetar kan verdiane gjerast tydeleg for dei ulike arealinteressene. Gjennom arbeidet med kommuneplanens arealdel er det etablert omsynssoner for landbruk, landskap og kulturmiljø. Tiltaket sikrar beiteressursane i fjellområda på ein god måte ved å legge strenge føringar for tiltak som ikkje går inn under LNF-føremål. Det er lagt til ekstra føresegner og retningslinjer for omsynssoa frå Hedalsstølane til Javnlie.

2. Etablering av beteutval

Etablering av beteutval er gjennomført. Det er årlege møter i beteutvalet etter endt betesesong, kor betesesongen evaluerast. Aktuelle samarbeidspartar har vore betelaga, faglaga, fjellstyret, Slidre sau og geit, Tine, Mattilsynet og det kommunale skadefellingslaget.

3. Utprøving av Elektroniske beteklaver, med basis i rådande erfaring og kunnskap

Det har vore gjennomført eit prosjekt på elektronisk overvaking på sau i Haldorbu, kor dei har fått tilskot gjennom ordninga *Tilskot til tiltak i beteområde*.

Det har vore gjennomført eit prosjekt med utprøving av Elektroniske beteklaver i Mellane beitelag. To ammekyr-besetningar har vore prioritert av beitelaget i utprøvinga. Dei har fått tilskot gjennom ordninga *Tilskot til tiltak i beteområde*.

4. Bruk av jordbruksareal for å auke beteverdiar og produksjon

Dette tiltaket vart ikkje gjennomført i førre planperiode, og det har vore lite interesse rundt dette prosjektet. Administrasjonen vel difor å ikkje vidareføre tiltaket, og heller ha meir spissa prosjekt og tiltak i kommande planperiode.

5. Lage betebruksreglar og gjennomgå rutinar i praksis, herunder rådgjevande tilpassingar

I førre planperiode vart det lagt inn punkt om betereglar knytt til regulering av betesesongen og regime rundt sauehald. Dette vart ikkje gjort i førre planperiode. Temaet vart drøfta i beteutvalet, kor det er delt syn. Konklusjonen er at det synast ikkje

til å vere ein prioritert aktivitet i nær framtid. Administrasjonen vel difor å prioritere andre tiltak, og vel å ikkje vidareføre dette i komande planperiode.

6. Kartløysing i Valdreskart (eventuelt Gardskart)

Vegetasjonskartlegging er utført av NIBIO i delar av kommunen. Kartløysing i Valdreskart (origo) er viktig, som grunnlag for arealplanlegging og forvaltning generelt. Gjennomført vegetasjonskartlegging har derfor vore ynskja inn i Valdreskart, slik at det blir synleggjort for alle med interesser i områda. Vegetasjonskartleggingane som er gjennomført er synleg i offentleg kartdata, og er eit nyttig verktøy i arealbruksamanhengar. Juridisk vurdering av utbyggingsavtaler som finansieringsgrunnlag til landbrukstiltak

Regulering og utbyggingstiltak kan i større eller mindre grad redusere beiteressursar i utmarka, og konfliktar oppstår ofte der beitande dyr går nær utbygde område.

Kompenserande ordningar ved utbyggingar kan derfor ha ein legitimitet. Kommunen praktiserer bruk av utbyggingsavtalar for mellom anna å finansiere opp ulike tiltak som følgjer etter utbyggingar, og dessutan for å utvikle og framme ynskjeleg infrastruktur i hytteområda. I handlingsplanen blir det lagt inn eit tiltak for å gjennomføre ei juridisk vurdering av bruk av utbyggingsavtalemidlar til landbruket ved arealregulering til hytte-/fritidsformål. Ein tematikk kan vere konfliktforebygging i utmark.

Det har vorte gjort meir på dette tiltaket, men det kan truleg gjerast meir.

Administrasjonen vel å ta dette ut av handlingsplanen i beitebruksplanen, men understrekar at utbyggingsavtaler skal ta for seg tiltak knytt til landbruk og konfliktforebyggande tiltak i framtidige utbyggingsavtaler. Det kan vere ei vurdering om utbyggingsavtaler på Beitostølen skal kunne bidra på finansieringa av drifta av heimrastgjerdet.

7. Aksjon for fjerning av farlege gjerde

Kommunen har forsøkt å gjennomføre aksjonar på ulikt vis, med dårlig resultat. Det vart forsøkt ein piggtrådaksjon, kor dei som tok ned piggtråd kunne få 100 kr/kg innlevert piggtråd (m/ målevitering frå Valdres Metall). Dette vart annonsert breidt, men resultatet vart særskilt dårlig, med berre ein refusjon.

Det vart også forsøkt å gjennomføre ein testaksjon i fjellet med arbeidslag for å fysisk fjerne nedgrodde gjerder, for så å køyre det vekk. Det var liten oppslutnad på dette prosjektet, med svært låg deltaking, og det verkar som at det ikkje var ein prioritet for beitebrukarane.

Administrasjonen vel, på bakgrunn av låge resultat, å ikkje vidareføre finansiering av slike typar aksjonar i komande handlingsplan.